

東華錄

康熙一百

臣王先謙敬編

臣周潤蕃校

秋七月辛酉刑部等衙門會議江南巡撫佟國勳四川巡撫年羹
堯不將逃人孟光祖拏獲奉聞反接受物件咨拜餽送禮物應將
佟國勳年羹堯俱革職得旨佟國勳著革職年羹堯著從寬革職
留任效力○戊辰諭大學士等朕前閱 太宗文皇帝實錄所載
戰敗明朝滿貫何害龍馬登雲塚祖壽四總兵時天正八霧人觀
面不相見敵營火礮鳥槍施放不絕樹木枝葉皆毀 太示文皇
帝恐我兵受傷遣副都統覺羅艾塔往視艾塔回奏曰敵之穴礮
鳥槍止損樹木我兵並無傷者可見上天佑護非人力所能至也
夫天象最難揣測而機之所動亦可豫知朕少年時在興安鎮上

行茂林中迅雷忽作乃避出茂林雷止遣人往視樹木皆爲迅雷所擊此皆朕親歷之事也大學士等奏曰太宗文皇帝實是神奇凡用兵事宜先期指示事後無不允合皇上所行事事相符是以衆人莫不驚異上因諭左都御史徐元夢曰朕常留心格物之學如雷擊木必於峇無瑕疵枝葉整齊者方擊之如擊馬已割耳鼻之馬亦不擊再書冊所載有所謂雷斧雷楔者大約得自深林者皆石得自平原者皆銅朕所得甚多將小石一塊置於泉水攪之即可祈雨蒙古人謂之查達齊書冊則曰查達也○庚午諭大學士等戶部尚書趙申喬奏摺內有一念愚誠誓不欺君但精力既衰救過不逮惟皇上終始矜全等語如不欺君即子趙鳳詔居官甚屬貪婪侵欺數十萬銀兩何不陳奏爲大臣者居官一日當盡一日之心屢以衰老推諉糊塗辦事具如國家之事何

凡事不平常心靜氣以來合宜有意固執迨至勢不能行則云我實老救過不逮將以此爲錯誤乎抑知而不改乎若如此行事爲君者安能始終矜全耶○辛未靖逆將軍富甯安奏臣等將兵分爲三隊於六月二十六日由巴爾庫爾進發令散秩大臣阿喇納等領兵一千三百有餘爲頭隊往擊厄魯特邊境擒其生口臣統大兵尾其後於十月初四日將至阿克他斯地方據阿喇納報稱我等領兵前進夜行晝伏初三日至烏蘭烏蘇地方拏獲策妄阿喇布坦哨兵二人一名阿魯拉克一名推扎布此二人理應解京但伊等所識路徑甚多臣等見率兵前往襲擊暫用爲嚮導俟前途更有拏獲之人將此二人齎 聖訓遣回本處宣諭或用後獲者齎 聖訓遣回本處宣諭此二人解京之處俟臣等至烏魯木齊

擒賊後酌量而行得旨朕年日增血氣漸衰故此事遲疑至今如當朕少壯時早已成功矣然朕以年老之人籌畫調遣無不符合者此卽軍機之吉兆也初兆旣吉終無不吉矣此奏著示諸皇子及衆大臣○壬申大學士馬齊奏觀將軍富甯安所奏襲擊之兵前進直至策妄阿喇布坦邊境擒其哨兵不出 皇上睿算之中今伊等必共相驚恐此後捷音自應相繼而至矣 上諭策妄阿喇布坦之 皆烏合之衆其心不一我大兵一到卽或降或散朕經理軍務已久每事慎重所以用襲擊之兵劉蔭樞並不知此意聽傳聞之言卽動朕息怒休兵用兵之事如此妄奏可乎伊不過用此空言作文章而已無知之徒卽由此互相傳播從古遇賊迎降者卽此等空言作文之輩流賊李自成進京之際明文臣迎降稱頌李自成奏表云邁湯武而無慚德比堯舜而多武功本朝兵至復降本朝逆賊吳三桂叛時貴州巡撫曹申吉降而提督李本

深亦降四川巡撫羅森降而提督鄭蛟麟亦降王師至筆食壺漿
迎之賊兵至亦筆食壺漿迎之誠可恥也又諭吳三桂叛時朕方
二十歲朕理兵事吳三桂聞之曰年方幼稚何能如此乎吳三桂
在長沙時伊坐於城上笑曰看我婿敗滿洲之兵著夏國相領兵
與我兵交戰頃刻率數百人奮然敗之殺至城下夏國相背負三
箭而逃吳三桂見之謂滿洲兵仍如此之勇也此等事皆在伊左
右之人歸降後所奏聞者又諭蒙古等感戴本國之恩忘身以奉
事者甚衆當索約爾濟河地方與噶爾丹交戰時阿祿科爾沁之
董牛忒台吉自戰場出謂衆曰我等受皇恩甚深若稍退縮有何
面目以見聖顏乎率伊屬兵三百名復進皆歿此內都里德族中
數人亦戰歿朕甚憫之近日綠旗武官亦好遊擊潘至善駐防哈
密策妄阿喇布坦二千兵來侵潘至善率伊屬兵二百名卽行擊

敗臨陣時潘至善奮然一手持刀一手執弓笑曰是我等報皇上之日也哈密回子及被獲厄魯特等無不言潘至善漢人而有勇如此爲極口稱贊頃者總督滿保摺奏自旅順口逃去之賊從浙江而來福建遊擊鄭勤領兵追及跳上賊船或斬或擒綠旗武官感朕之恩皆有捐生敢死之心朕慮奮勇太過或致有傷殊以爲念耳○癸酉靖逆將軍富甯安奏臣等自烏魯木齊回兵向畢留圖而來路遇厄魯特兵三百餘人尾我後兵臣隨卽整兵迎勦賊衆不支敗奔深山此戰灰特台吉扎穆畢首先奮勇以槍刺賊賊墜馬被擒又復前追適賊回放鳥槍中扎穆畢之胸而死得旨扎穆畢首先奮勇勦賊以致陣亡甚屬可嘉著追封輔國公以其子承襲○丙子以白潢爲江西巡撫

由布政使遷

○戊寅靖逆將軍富甯

安奏臣等領襲擊之兵於七月初十日至烏魯木齊地方擊獲回

子探問準噶爾消息隨於十一日整兵前進至通俄巴錫地方分
派隊伍稽查山林擊獲回子男婦幼童共一百六十九名前獲駝
馬牛羊等物甚多將烏魯木齊賽音他拉毛他拉等處耕種地畝
俱行踐踏將兵撤回得旨著議政大臣議奏○已卯諭大學士等
前河南巡撫張聖佐奏摺內止稱宜陽縣賊亢珽等拒捕槍奪派
出官兵攻破神後寨殺賊數十生擒二十二人間鄉縣賊尹喬王
更一等令知府李廷臣領兵往拏等語所奏殊未明晰頃奏報米
價摺內閭鄉縣獲賊與否亦未申奏看來張聖佐無能宜陽閭鄉
澠池等縣與懷慶府甚近不過三百餘里皆朕所經歷此間並無
高山不可攻戰之處河北總兵官馮君洗並未將賊情奏聞此案
朕留心久矣朕交山西巡撫蘇克濟總兵官金國正從實訪問今
蘇克濟奏稱賊王更一等拏獲亢珽仍未拏獲此盜案根源因宜

陽縣丁憂知縣指稱軍需科派豫徵明歲錢糧又以官道瘦馬分給勒養情由激變亢珽等將知縣拏去官兵往戰攻破賊寨始將知縣取回擒賊兵丁貽累於民又將村房放火此皆原任巡撫李錫任內之事聞賊亢珽等言皇上因李錫居官甚劣已取進京若李錫伏誅我等情願引頸受刑李錫居官固屬不堪但此賊不盡拏獲斷乎不可著刑部尚書張廷樞內閣學士勒什布乘驛前往嚴加查獲詳審一面於彼處正法一面奏聞○辛巳河南巡撫張聖佐奏賊徒王更一等拏獲上諭學士勒什布曰爾等往審此事將不帶夫前蘇克濟奏摺內事竊已聞之到彼處將賊潛住地方與河北總兵官馮君洗住處相近伊爲何並不奏聞又不將賊黨拏獲之處察問此事起端情由如何漸致滋蔓於何處行掠於何處潛藏及放火殺傷民命等情盡行詳察指稱軍需科派豫徵

來年錢糧之知縣若果情實卽行擊問丁憂知縣被賊拏去伊等爲何隱瞞不奏被賊拏去今復得回之知縣見在彼處須一併詳察爾等到時此賊悉行拏獲則已若仍拒捕逃避爾等卽領兵追拏○刑部奏鑲黃旗蒙古佐領色楞五十二佐領下護軍校拉布達孫等告伊佐領叩闕一案奉旨查從前被告有額德勒呼者是否卽係此二佐領下人今查額德勒呼之子常保見與被告之佐領色楞五十二皆係喀喇沁一族兄弟上諭大學士等朕記得告額德勒呼者乃一弓匠馬齊奏曰刑部所查之處皆與皇上所記相符此係三四十年前事人名皆不遺忘誠爲神奇上曰朕一生所賴者惟在記性縱有極冗長之本朕俱能全記因辦事年久所以事到卽知始末也

八月壬午朔上行圍發熱河○先是靖逆將軍富甯安奏拏獲

回子阿都呼里供稱策妄阿喇布坦今伊寨桑都喇爾參都克策
零敦多布托布齊等帶領六千兵於去年十一月由阿里克路往
西進發或前去征拉藏或幫駐拉藏之處我知得不甚明白等語
得旨策妄阿喇布坦由阿里克地方發兵一事雖虛實未知朕意
料之甚屬可惡策妄阿喇布坦先曾向澤卜尊丹巴胡土克圖之
使者云拉藏汗係嗜酒無用之人不足介意羈留其子並留達賴
喇嘛班禪之使不令前去今此兵或取拉藏收取西邊地方或幫
助拉藏侵犯青海俱未可定若係征取拉藏其兵於去年十一月
前往今已成讐我兵欲救援拉藏恐地方遙遠策妄阿喇布坦之
兵若幫助拉藏同來侵犯青海則不可不備兵協助迎勦見今巴
爾庫爾有富甯安阿喇納等一應軍務俱已諳練行兵甚易應將
額倫特撤回仍駐紮西甯將協助兵丁與青海之人一同豫備著

議政大臣等議奏至是議覆 聖諭甚是周詳應令署理將車總督羅倫特速往西甯料理軍務勸諭西甯總兵官王以謙付讀學士查禮渾等在松潘豫備提督康泰主事巴特麻等時密遣人往青海地方偵探信息若得實信一面速行奏聞一面彼此知會各相機而行駐紮喀斯之侍衛阿齊圖霍善等加意固防探其蹤迹從之○乙酉諭大學士等朕徧覽明代實錄未錄實事卽如永樂修京城之處未記 事史臣但看野史記錄錯謬甚多朕又覽史記漢書亦僅文詞之工記事亦有不實處卽如所記項羽坑秦卒二十萬夫二十萬卒豈有束手待斃之理○振武將軍公傅爾丹奏臣等派襲擊之兵分隊前進公博貝統兵於六月二十九日至博羅布爾哈蘇地方見有賊蹤隨卽追斬黑魯特五人生擒四人投順者十六人相謝吳爾袞都統穆賽令喀爾喀台吉益楚克及

婁徵額等分路尋探並無賊蹤隨於七月十七日回兵報聞○丙

戌以許兆麟爲江西布政使

四川按察使遷

○乙巳裁偏沅所屬湘陰

縣等營田巡檢八○河南河北總兵馮君洗奏河南宜陽陽鄉澠

池等處奸民聚衆拒捕官兵攻破逆寨官陽賊首亢珽逃匿見在

嚴緝閩鄉黨王更一等見在擒獲交有司收審餘衆俱散又宜

陽縣申報亢珽等一十八人藏匿澠池縣李一甯山中隨令遊擊

楊奉等並各營官兵移赴澠池緝拏臣先未經摺奏罪屬難逃得

旨凡總兵官平素應嚴督防守一有賊盜隨聞即率隊治安

靖地方利益民生馮君洗身任總兵官於宜陽等處盜犯亢珽等

雖毀遣官兵聊以塞責謂伊事君爲不知並未奏聞一次伊所

司何事似此盜犯不豫爲緝拏以至延蔓又獲於上謂苟且希圖

了事殊玷官箴著張仁樞等嚴密議奏○丁未議心大臣等請覆

西甯駐紮侍讀學士查禮渾等奏據西邊拉藏汗咨文云策妄阿喇布坦遣兵於七月初四日掠其納克禪邊內木寶一部人衆且脅又令策零敦多卜領兵萬人前往征取拉藏等語我兵不可不豫爲防備應令松潘西甯兵丁出口安營得旨依議但地方遼遠俟信息到時始行調兵恐或不及可派荊州滿洲兵二千名發往成都派太原滿洲兵五百名發往西安

九月壬戌吏部奏貴州巡撫劉蔭樞屢次奏本俱不繕寫貼黃年老昏愎不便仍留巡撫之任應照例休致得旨劉蔭樞著解任仍令來京○癸亥 上駐蹕西爾哈烏里雅蘇台賜來朝外藩銀幣鞍馬及隨圍蒙古官兵銀布○己巳 上還駐熱河○禮部奏朝鮮國王李焞因目盲甚劇遣人來購空青應准其採買 上諭翰林院侍讀學士阿克敦變儀衛治儀正張廷枚曰朝鮮國王李焞

安靜奉法人民愛戴四十餘年伊國中享太平之福未有如此之
久者朕甚嘉之寶禮部奏王因病目來購空青朕聞王疾深爲軫
念卽於行在特簡爾等齎空青往賜此係格外之恩凡一應禮節
爾等到時令王不必拘於成例隨處可以相見並傳諭之○庚午
載通政使司漢軍知事一○辛未諭大學士等從前曾諭九卿各
省官員內有居官不好聲名不堪者隨聞隨卽繕摺具奏今李錫
居官甚劣何竟無一人奏朕各省官員賢否九卿豈無所聞凡大
臣啟奏苟所聞不確於奏摺內云臣所聞如此不甚詳確一併聲
明未嘗不可朕亦止欲知之耳並非不加訪實卽行治罪也況奏
摺又不發出隨聞隨奏各省官員亦知懲戒悛改近閱九卿保舉
以爲好官而薦引者有之以爲劣員而糾參者何並無一人著傳
諭九卿○諭大學士馬齊左都御史徐元夢朕料理軍務年久屢

次親統大軍綠旗兵丁較滿洲蒙古相去甚遠滿洲兵止九二千
蒙古兵止用五千朕統時任意所向綽然可以成功若綠旗兵
丁任伊衆多朕心亦難倚任適於議政大臣處亦下此旨今九薩
克蒙古等雖不給錢糧於伊等該管王台吉等皆實心效力推而
至於苗蠻盡知各爲其長若綠旗兵丁糧餉必以時給發相不如
意卽至相怨昨提督康泰帥領一千餘人至黃勝關柏水橋鼓噪
竟棄提督而去從督前並無一兵止餘僕從總兵官路振揚駐紮
松潘相距七十里聞信卽往前迎因衆兵不可止遏給銀撫慰令
回成都此兵至成都巡撫年羹堯曲加安戢交提標中軍參將管
束年羹堯復奏此參將甚好常諫阻康泰將此兵交與斷然無妨
隨將總督鄂海奏聞一摺年羹堯所奏二摺前康泰路振揚各咨
總督巡撫文書交馬齊觀之因命康泰馳驛來京路振揚著從督

事○癸酉諭大學士馬齊旅順口脫逃陳君元等賊黨不過八人
昨廣東巡撫法海奏稱此夥已獲七人止有一名未獲朕前以海
中各島皆可爲賊藪及詢投誠海賊云島內樹木不生地皆礫石
不可耕種亦無好水故難棲止卽如澳門地方所居不過萬人因
無田耕種米無所出俱自廣東運米而食今海中潛藏賊蹤皆沿
海所居奸民春時覓小船捕魚遇商船卽行劫奪商船旣得便拒
敵官兵至嚴冬時水米旣無伊等焚船上岸藏匿大勢不過如此
斷不能於海島棲止也明代金門廈門海壇澳門普陀巖等明盡
山花鳥等處俱有海賊從前海賊鄭芝龍投順本朝用爲內大臣
令伊作字招降伊子鄭成功若果投順皇上卽以海澄公見授伊
竟不從順治十六年領海賊三十萬侵犯江南攻鎮江城宜思恭
之父宜永貴時爲巡撫坐鎮瓜州因未從賊城得不陷及賊迫臨

江甯時滿兵甚少值貴州回軍之副都統噶褚喀等至伺江甯將軍喀喀穆合軍出東門於明太祖陵南誘賊進三十里大敗之殲其衆朕幸江南曾親閱其戰地我朝所殲敵衆松山杏山敗洪承疇兵十三萬山海關敗敵兵二十萬安統王於永興地方敗吳三桂兵並此番所敗海賊共計四處海賊既滑敗於江南而福建地方施琅等又攻取金門廈門賊無棲止之處始取臺灣爲巢今臺灣一帶又皆入版圖矣又諭古時有一二美事卽以爲奇互相傳說朕於邊疆處處巡幸閱歷之事甚多往甯夏時豫州無水地方官豫貯水三百甕以待朕見有澗河故道意春水方長之時或值水發亦未可知因遣馬武海青往看伊等去猶未遠卽回奏云河水發矣朕乘騎往觀見軍民僕隸擁視水漲因汲用此水三百甕之水竟無所用中途往往征喇爾丹時至察漢託灰見泉流甚細朕